



SAKSFRAMLEGG

Sakshandsamar: Jan Erik Boge	Arkivkode: FE-056, TI-&85
Arkivsaksnr: 18/578	Løpenr: 21/7412
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	16.09.2021	083/2021

Utviding av IKT Nordhordland kommunalt oppgåvefellesskap med Aurland kommune

16.09.2021 Kommunestyret:

Handsaming i møtet:

Rådmannen sitt framlegg vart samrøystes vedteke.

KS- 083/2021 Vedtak:

1. Samnanger kommune vedtek at IKT Nordhordland kommunalt oppgåvefellesskap vert utvida med Aurland kommune.
2. Samnanger kommune vedtek samarbeidsavtalen for IKT Nordhordland kommunal oppgåvefellesskap slik den ligg føre.

Rådmannen sitt framlegg til vedtak:

1. Samnanger kommune vedtek at IKT Nordhordland kommunalt oppgåvefellesskap vert utvida med Aurland kommune.
2. Samnanger kommune vedtek samarbeidsavtalen for IKT Nordhordland kommunal oppgåvefellesskap slik den ligg føre.

Dokument som er vedlagt:

Protokoll representantskap IKTNH 03.09.2021

Samarbeidsavtale IKT Nordhordland 2022 med Aurland

Kva saka gjeld:

Samnanger kommune er ein av deltakarkommunane i det interkommunale oppgåvefellesskapet IKT Nordhordland (IKTNH). Følgjande kommunar er i dag med i IKTNH: Alver, Austrheim, Austevoll, Fedje,

Gulen, Masfjorden, Modalen, Osterøy, Samnanger og Vaksdal.

Det er inngått ein samarbeidsavtale mellom kommunane i oppgåvefellesskapet. Denne avtalen er godkjent av kommunestyra i alle kommunane.

Aurland kommune ønskjer no å bli med i IKTNH, med verknad frå 01.01.2022. Dette vil medføra ei utviding av oppgåvefellesskapet og endring av samarbeidsavtalen. Styret i IKTNH har handsama den nye samarbeidsavtalen, og den er godkjent av representantskapen i IKTNH. Kommunestyra i alle deltakarkommunane må godkjenna den nye samarbeidsavtalen før den vert gjort gjeldande.

For meir utfyllande informasjon om saka, viser me til saksopplysningane som IKTNH har utarbeidd, samt til vedlegga i saka. Saksopplysningane frå IKTNH følgjer nedanfor.

Saksopplysningar frå IKT Nordhordland:

«Sak :

- **Utviding av IKT Nordhordland kommunalt oppgåvefellesskap med Aurland kommune**
- **Endring av samarbeidsavtalen for IKT Nordhordland kommunalt oppgåvefellesskap**

Framlegg til vedtak (Alver, Austevoll, Austrheim, Fedje, Gulen, Masfjorden, Modalen, Osterøy, Samnanger, Vaksdal):

1. NN kommune vedtar at **IKT Nordhordland kommunalt oppgåvefellesskap** vert utvida med Aurland kommune.
2. NN kommune vedtar samarbeidsavtalen for **IKT Nordhordland kommunalt oppgåvefellesskap** slik den ligg føre.

Framlegg til vedtak (Aurland kommune):

1. Aurland kommune vedtar å gå inn som deltakar i **IKT Nordhordland kommunalt oppgåvefellesskap**
2. Aurland kommune vedtar samarbeidsavtalen for **IKT Nordhordland kommunalt oppgåvefellesskap** slik den ligg føre.

Aurland kommune har hatt som mål å få til ei IKT-drift- og digitaliseringsutvikling i tråd med stadig aukande nasjonale og lokale forventningar. Kommunen ønskte å etablere eit meir føremålstenleg IKT-samarbeid for kommunen, der dei kunne oppnå høgare satsing på digitalisering og betre tenester knytt til IKT-drift. Målsetninga for Aurland kommune er å få så god og profesjonell drift som mogeleg. Aurland kommune evaluerte fleire ulike IKT-samarbeid. I hovudsak skilte IKT Nordhordland seg ut i forhold til ein gjennomarbeidd styringsmodell med særskilt satsing innafor Digitalisering og innovasjon, i tillegg til dei gode tenestene knytt til IKTNH. Det vart og lagt vekt på det nære samarbeidet med Digi Vestland.

Aurland har sidan 2020 hatt ei stor prosjektgruppe som har jobba med kartlegging og utarbeiding av sakspapir for å komme fram til ei riktig beslutning.

Aurland kommune har i utgreiinga si kome fram til at dei ønskjer å samarbeida med IKTNH. Både i formannskapet og kommunestyret har rådmannen sin tilråding vore einstemmig godkjent.

1. *Tilråding frå rådmannen: Aurland kommune trer ut av ÅLA-samarbeidet innan IKT 31.12.2021, jamfør KS-058/11.*
2. *Rådmannen får mynde til å utarbeide avtale med IKTNH.*
3. *Avtalen vert lagt fram for godkjenning i formannskapet 10. juni og kommunestyret 17. juni 2021.*
4. *Det blir sett av kr. 500.000,- til overgangskostnader og naudsynte investeringar.*
5. *Investeringane blir finansiert ved omdisponeringar på investeringsbudsjettet, og blir lagt fram i samband med handsaminga av 1. tertial 2021.*

Basert på Aurland kommune sitt klåre ønske om deltaking i IKTNH-samarbeidet, har IKTNH og DIR/NUI greidd ut nærare detaljar kring eit slikt samarbeid. Utgreiinga konkluderer med at ei slik utviding vil vera gunstig både for Aurland kommune, IKTNH og DIR, og har følgjande tilråding: *Ei utviding vil medføre betre utnytting av kapasitet og kompetanse i IKTNH. Dette vil frigjera økonomiske ressursar som kan styrkje utviklinga av betre tenester og arbeidsprosessar. Dette gir stort potensiale for gevinstrealisering i tenesteproduksjon og innbyggjardialog.*

Prosjektet rår difor til at dei auka økonomiske ressursane vert nytta til å styrke innsatsen inn mot Digitalisering og Innovasjon sine behov i forbindelse med å utvikle fleire tenester, samt å auke servicegraden til dei eksisterande kommunane.

Endring av samarbeidsavtalen

Aurland kommune vert deltakar i § 19 samarbeidet på lik linje med dei noverande kommunane i samarbeidet. Dette medfører ei utviding av oppgåvefellesskapet og endring av samarbeidsavtalen. Styret i IKTNH har handsama den nye samarbeidsavtalen, og den er godkjent av representantskapet i IKTNH. Kommunestyra i alle deltakarkommunane, medrekna Aurland kommune, må godkjenna den nye samarbeidsavtalen før den vert gjeldande.»